

oder mache Kröpflein daraus vnd backe sie / so
ist es auch recht vnd gut.

Eine Gallarte von Krebsen zumachen.

N Im feine grosse Krebse / siede sie recht abe/
darnach schneide die Füße vnd Schalen
darvon / die thue in einem Mörsel / vnd
stosse sie wol klein / geuß ein Maß Wein darzu /
vnd treibe das gesottene darmit durch ein Sieb-
lein / thue ein Stücklein Hausenblasen darzu / wür-
ke die Brüe mit Ingwer / Pfeffer / Saffran
vnd Zucker / geuß ein wenig Weinessig daran /
vnd laß sieden / in dessen lege die ausgemachten
Krebse in eine Schüssel / vnd wenn sich die
Brüe ein wenig gefeket / so geuß sie
darüber / vnd laß gestehen / so
ist es recht vnd gut.

Das